



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 96. Quorundam Theologorum effugia pro eludenda formulæ subscriptione.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII. votorum sponsonem dicanda necesse
 A. C. 1667. rium esset.

§. XCVI.

*Quorumdam Theologorum effugia pro
 eludenda formulæ subscriptione.*

*Acta Cleri
 Gall. tom. 3.
 pag. 230.*

Quamvis Perefixus Parisiensis Episcopus subscriptionis mandatum circa questionem facti excogitato fidei humanae & Ecclesiasticæ temperamento moderasset, non deerant tamen, qui variis effugiis hoc quoque præceptum eludere niterentur; cum enim Archiepiscopus Gaudino Sorbonæ Doctori suo Judici Ecclesiastico injunxisset, Diœcesis suæ Clericos ad juratam formulæ subscriptionem adigeret, Nicolaus Thibult Ecclesiæ Collegiatae S. Thomæ Canonicus, & Ludovicus Fournier Regii Parisiensis Sacelli Cellarius die quinta Februarii prælati Judici libellum supplicem porrexerunt exponentes, quod ejus nomine Promotor Episcopalis die vigesima prima Januarii ab illis juratam, puram, & simplicem formulæ subscriptionem exegisset, cum autem juramento confirmari non liceat, nisi sententias certissimas quæ in alium sensum detorqueri nequeunt, petita tamen subscriptio diversos sensus capiat, hinc Judex ex

Sæc. XVII.
A. C. 1667.

sensibus illum, juxta quem juramen-
 tum ab eis exigere intendat, designare
 dignetur: Horum autem primus sensus
 erat hic: *ut credatur, quod hæc subscri-
 ptio externa non sit signum internæ fidei
 circa jus & factum, sed duntaxat significet
 reverentiam erga Pontificis judicium, cui
 absque offensione contradicere nequit, quod
 idem est, ac si diceretur, subscribo, ut testor,
 quod Constitutionibus contradicere nolim,
 non autem, quod circa factum vel jus fidem
 profitear.* Sensus II. est, credere, quod
*hæc subscriptio sit pignus meæ fidei circa
 jus, non autem circa factum, proin ita
 subscribam, ut significem, me credere jus
 in Constitutionibus definitum, nullatenus
 autem factum.* Sensus III. est me cre-
 dere, quod fidem meam obstringam circa
 jus, reverentiam vero circa factum, seu
 quod subscribam in signum fidei meæ circa
 jus, & reverentiæ erga factum. Sen-
 sus IV. est, quod credam me obstringi ad
 credendum jus & factum tanquam insepara-
 bilia & ad fidem spectantia, proin subscri-
 bam in signum, quod ita jus & factum
 credam. Sensus V. esse potest, me cre-
 dere, quod hoc juramento me obstringam ad
 credendum jus fide divina, & factum fide
 humana, tanquam infallibiliter a Papa de-
 cisum, ita ut subscribam in signum, quod
 credam fide Divina jus, & factum humana fide
 Pontificiæ decisionis infallibilitati innixa.

Sæc. XVII. Postremus denique sensus est, quod
 A. C. 1667. credam me promittere, quod credere vel
 jus fide Divina, & factum fide humana
 eoquod illud æque notorium est, ac Lutheri
 & Calvinii factum, id est, receptum, &
 nemine negatum, de quo nonnisi nequiter
 dubitari posset: seu, quod subscribam
 signum, quod jus credam fide Divina,
 factum humana, utpote notorium, receptum
 & a nemine negatum.

Hunc igitur libellum supplicem uno
 cum expositis hisce sensibus Promotorum
 coram Judice Ecclesiastico exhibuit
 hæc subjungens: hi Sacerdotes sex
 dem sensus, quorum subscriptio capax
 exposuerunt, sciscitantes, in quonam
 rum subscriptio ab eis exigatur? id
 eis declarare nolumus, eoquod satis ab
 unde omnibus constaret, quod propo-
 sitiones e libro Jansenii in proprio ejus-
 dem Authoris sensu, sicut Sedes Apo-
 stolica eas condemnavit, condemnare
 idque sua subscriptione pure & simplici-
 ter testari teneantur: Eapropter utri-
 que huic Sacerdoti a Judice significa-
 tum est, ut intra octiduum simplicitate
 subscriberent, secus, a Divinis officiis
 arcendi: quod & comperta eorum con-
 tumacia factum est.